



Qinersinermik siulersuisunut tamanut
Til samtlige valgbestyrelser

Inatsisartunut qinersinissamik nalunaarut

Inatsisartunut immikkut ittumik qinersineq pillugu Inatsisartut inatsisaat nr. 1, 13. marts 2018-imeersoq naapertorlugu inatsisartunut qinersinissap ullussaa aalajangerneqarpoq pissasoq:

Marlunngorneq 24. april 2018

Partiit ullormi qinersinissamik suaarutiginninnermi Inatsisartuni ilaasortaataitaqanngitsut, qinersinermullu qinigassanngortitsiniartut qinersisartunik nalunaarutigineqartunik Kalaallit Nunaanni Inatsisartunut qinersisarneq pillugu Inatsisartut inatsisaat nr. 9, 31. oktober 1996-imi § 11-mut (Inatsisartunut qinersisarneq pillugu inatsiseq) naammassinnittut 942-inik katersisimassapput.

Inatsisartunut qinersisarneq pillugu inatsiseq, § 11 *Imm. 3* naapertorlugu. Partiimik nalunaarutiginninneq qinersisartut partiimik nalunaarutiginnittut uppernarsaatitut allagaannik ilaqartinneqartassaaq. Uppernarsaatitut allakkami ilanngullugit nalunaarutigineqartassapput qinersisartut aqqi tamakkiisut, ullut inunngorfii sumilu najugaqarneri aammalu qinersisartunit namminernit atsiugaallutillu ulluligaasimassallutik. Taakkua saniatigut uppernarsaatitut allakkani ilanngullugu allasimasassaaq qinersisartut Inatsisartunut qinersisinnaanermut piumasarineqartunik naammassinnissimanageri pillugu inuit aqqinik nalunaarsuiffimmi pineqartumi pisortaasup uppernarsaataa atsiugaq.

Uppernarsaatitut allakkat nalunaarutiginninneq ukiumik ataatsimik sinnerluguluunniit sioqqullugu allanneqarsimasut naatsorsuutigineqarsinnaanngillat. Taamaapportaaq partii ataaseq sinnerlugu nalunaarutiginninnermi qinersisartut uppernarsaatitut allagaannut tunngatillugu. Atsiornerit Qinersinermut Ataatsimiititaliap allattoqarfianut tunniunneqareersimassapput, kingusinnerpaamik:

Marlunngorneq 20. marts 2018

Qinersinermut inatsisip §§ 12-14 naapertorlugu Inuit qinigassanngortissinnaatitaasut partii sinnerlugu imaluunniit kisimiillutik qinigassanngortittut, katusseqatigiinniluunniit qinigassanngortittut Inatsisartunut qinigassanngortissinnaapput. Kisimiilluni qinigassanngortissinnaassagaanni qinigassanngortitsisut ikinnerpaamik 40-nik amerlanerpaamillu 50-inik amerlassuseqassapput.

Qinersinermut inatsisip § 15-iat naapertorlugu nalunaarummi allasimassapput qinigassanngortitsisut tamarmik immikkut aqqi, inuui, atorfi najugaallu. Qinigassanngortitsisut ilaat ataaseq nalunaarut pillugu qinigassanngortitsisut tamaasa sinnerlugit saaffiginnissuteqarfigineqarsinnaasutut allasimassaaq.

Inatsisartunut qinersinissamut qinigassanngortittussanik nalunaarutiginninneq kommunimi qinersinermik siulersuisunut kingusinnerpaamik tunniunneqassaaq:

Marlunngorneq 3. april 2018 nalunaaqutaq 12:00

Nuuk, 13. marts 2018

Søren Hald Møller

Qinersinermut Ataatsimiititaliami siulittaasok
Formand for Valgnævnet

13-03-2018
Sags nr.: 2018 - 4974
Dok. nr. 7464831

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl